



Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

De episcopo qui propter dolorem capitis sepe in amentiam deuenerat.
cxci.

urn:nbn:de:hbz:466:1-10722

*Exregist.
cap. 233.
ad Ethe-
rium epi-
scopum.*

Quamuis triste nobis sit valde quod loquimur, atque
fraterna nos compassione potius urgeat quam ali-
quid de auditis definire permittat: suscepti ta-
men sollicitudo regiminis, cor nostrum instati pulsatur acu-
leo, magnam nos Ecclesiis curam prospicere, & antequam
earum possit utilitas deperire, quid fieri debeat Deo au-
tore disponere. Peruenit igitur ad nos quibusdam refe-
rentibus, quendam episcopum ita passionem capitis in-
currisset: ut quod mente alienata agere soleat, gemitus &
fletus audire sit. Ne ergo languente pastore, grex, quod
absit, insidiatoris laniandus dentibus exponatur, vel Ec-
clesiae ipsius utilitates depereant, cauta nos necesse est
provisione tractare. Et ideo quia viuentem episcopum ab
officio suo necessitas infirmitatis non crimen abducit,
alium loco eius nisi recusante eo, nulla finit ratio ordina-
ri. Sed si interualla aegritudinis habere est solitus, ipse da-
ta petitione non se ulterius ad hoc ministerium, subuer-
tente infirmitate, posse fateatur adurgere, & alium loco
suo expetat ordinandum. Quo facto omnium solenniter
electione alter, qui dignus fuerit, episcopus ordinetur, sic
tamen ut quousque eundem episcopum in hoc seculo vi-
ta tenuerit, sumptus ei debiti de eadem Ecclesia ministrat-
ur. Enimvero si nullo tempore ad sanae mentis redit of-
ficio, persona fidelis ac vitae est probabilis eligenda, quae
ad regimen Ecclesiae idonea possit existere atque de ani-
marum utilitate cogitare, inquietos sub disciplinae vincu-
la restringere, ecclesiasticarum rerum curam gerere, &
maturum atque efficacem se in omnibus exhibere. Qui
etiam episcopo qui nunc aegrotat superstes, loco eius de-
beat consecrari.

*Ex decre.
Sixti pa-
pae 2. fra-
trib. per
Hispaniam
constitutis
missis,
cap. 7.*

De restitutis episcopis per Romanum pontificem.

Cap. CXCII.

Fratres vero quos timore terreno iniuste damnastis,
scitote a nobis iuste esse restitutos. Quibus ex autori-
tate sancti Petri, apostolica autoritate, omnia quae eis ab-
lata sunt integerrime reddi praecipimus, si non vultis &
vos & principes vestri a collegio nostro & membris Ec-
clesiae separari, iusto enim iudicio Dei datur plerunque